

十  
八  
家  
詩  
鈔

十八家詩鈔卷十目錄

李太白七古百五十七首

遠別離

公無渡河

蜀道難

梁甫吟

烏夜啼

烏棲曲

戰城南

將進酒

行行且遊獵篇

飛龍引二首

天馬歌

行路難三首

長相思三首

上畱田

春日行

前有樽酒行二首

夜坐吟

野田黃雀行

篳篥謠

雉朝飛

上雲樂

夷則格上白鳩拂舞辭

日出入行

胡無人

北風行

獨漉篇

登高邱而望遠海

陽春歌

楊叛兒

雙燕離

山人勸酒

于闐採花

鞠歌行

幽澗泉

王昭君二首

中山孺子妾歌

荊州樂

設辟邪仗鼓吹雉子班曲辭

古有所思

久別離

採蓮曲

白頭吟

臨江王節士歌

司馬將軍歌

君道曲

結襪子

白紵辭三首

鳴鴈行

鳳笙篇

清平調詞三首

白鼻騮

猛虎行

少年行二首

擣衣篇

襄陽歌

江上吟

侍從宜春苑奉詔賦龍池柳色初青聽新鶯百轉歌

玉壺吟

幽歌行上新平長史兄粲

西岳雲臺歌送丹邱子

元丹邱歌

扶風豪士歌

同族弟金城尉叔卿燭照山水壁畫歌

白毫子歌

梁園吟

鳴皋歌送岑徵君

鳴皋歌奉饒從翁清歸五崖山居

僧伽歌



白雲歌送劉十六歸山

金陵歌送別范宣

勞勞亭歌

金陵城西樓月下吟

東山吟

當塗趙炎少府粉圖山水歌

峨眉山人月歌送蜀僧晏入中京

赤壁歌送別

江夏行

懷仙歌

酬殷佐明見贈五雲裘歌

臨路歌

草書歌行

山鷓鴣詞

和盧侍御通塘曲

贈郭將軍

駕去溫泉宮後贈楊山人

贈裴十四

上李邕

述德兼陳情上哥舒大夫

走筆贈獨孤駙馬

醉後贈從孫高鎮

贈潘侍御論錢少陽

流夜郎贈辛判官

江上贈竇長史

贈漢陽輔錄事

江夏贈韋南陵冰

贈從弟南平太守之遙

對雪醉後贈王歷陽

春日獨坐寄鄭明府

寄王屋山人孟大融

憶舊遊寄譙郡元參軍

寄韋南陵冰余江上乘興訪之遇尋顏尙書笑有此贈

廬山謠寄盧侍御虛舟

自漢陽病酒歸寄王明府

早春寄王漢陽

涇溪東亭寄鄭少府諤

夢遊天姥吟畱別

畱別于十一兄逃裴十三遊塞垣

金陵酒肆畱別

南陵別見童入京

別山僧

魯郡堯祠送竇明府薄華還西京

單父東樓秋夜送族弟况之秦時凝弟在席

灞陵行送別

送羽林陶將軍

送程劉二侍御兼獨孤判官赴安西幕府

同王昌齡送族弟襄歸桂陽

送別

送族弟綰從軍安西

送祝八之江東賦得浣紗石

送蕭三十一之魯中兼問稗子伯禽

白雲歌送友人

送舍弟

與諸公送陳郎將歸衡陽

宣州謝朓樓餞別校書叔雲

酬宇文少府見贈桃竹書筒

早秋單父南樓酬竇公衡

酬張司馬贈墨

酬中都小吏攜斗酒雙魚於逆旅見贈

答王十二寒夜獨酌有懷

醉後答丁十八以詩譏予搥碎黃鶴樓

答杜秀才五松山見贈

搗妓登梁王棲霞山孟氏桃園中

把酒問月

下途歸石門舊居

夜泊黃山聞殷十四吳吟

觀博平王志安少府山水粉圖

觀元丹邱坐巫山屏風

暖酒

對酒

怨情

思邊

代美人愁鏡

示金陵子



十八家詩鈔

卷十

目錄

八

十八家詩鈔卷十目錄

善化黃維申襄校

十八家詩鈔卷十

湘鄉曾國藩纂

合肥李鴻章審訂

東湖王定安校

李太白七古百五十七首

遠別離

雜曲  
歌辭

遠別離古有黃英之二女乃在洞庭之南瀟湘之浦海水直下  
萬里深誰人不言此離苦日慘慘兮雲冥冥猩猩啼煙兮鬼嘯  
雨我縱言之將何補皇穹竊恐不照余之忠誠雷憑憑兮欲吼  
怒堯舜當之亦禪禹君失臣兮龍爲魚權歸臣兮鼠變虎或云  
堯幽囚舜野死九疑聯綿皆相似重瞳孤墳竟何是帝子泣兮  
綠雲間隨風波兮去無還慟哭兮遠望見蒼梧之深山蒼梧山

崩泔水絕竹上之淚乃可滅

公無渡河

相和歌辭

○樂府詩集

堂篋引序云

篋引者

潮鮮津

卒霍里子高妻麗玉所作也

高晨起刺船有一白首

狂夫被髮提壺亂流而渡其妻隨而止之不及遂墮河

而死於是接壺篋而歌曰公無渡河公竟渡河墮河而

死當柰公何聲甚淒慘曲終亦投河而死高還以語

麗玉麗玉傷之乃引壺篋而寫其聲聞者莫不墜淚飲

泣麗玉以其曲傳鄰女麗蓉名曰篋篋引又有篋篋謠

不詳所起大略言結交

當有終始與此異也

黃河西來決崑崙咆哮萬里觸龍門波滔天堯咨嗟大禹理百

川兒啼不窺家殺湍堙洪水九州始蠶麻其害乃去茫然風沙

被髮之叟狂而癡清熈徑

一作流欲奚爲旁人不惜妻止之公

無渡河苦渡之虎可搏河難馮公果溺死流海溜有長鯨白齒

若雪山公乎公乎挂骨於其巔筇篥所悲竟不還

蜀道難

諷章伏兼瓊也○相和歌辭國語按樂府解題曰蜀道難備言銅梁玉壘之阻與蜀國強顏同尚書

談錄曰李白作蜀道難以罪嚴武後陸暢作蜀道易以頽韋舉而公所自注則曰諷章伏兼瓊或故亂其詞耶

噫吁噉危乎高哉蜀道之難難於上青天蠶叢及魚鳧開國何

茫然爾來四萬八千歲不乃一作與秦塞通人煙西當太白有鳥

道何一作以橫絕峨眉巔地崩山摧壯士死然後天梯石棧方

一作鉤連上有六龍回日之高標一作橫河斷下有衝波逆折

之回川黃鶴之飛尙不得一作猿猱欲度愁攀緣青泥何盤盤

百步九折縈巖巒捫參歷井仰脅息以手撫膺坐長歎問君西

遊何時還畏途巉巖不可攀但見悲鳥號古木雄飛雌從遶林

聞又聞子規啼夜月愁空山蜀道之難難於上青天使人聽此

凋朱顏連峯去天不盈尺一作入煙枯松倒挂倚絕壁飛湍暴

流爭喧豗砢崖轉石萬壑雷其峻也若此嗟爾遠道之人胡爲

乎來哉劒閣崢嶸而崔嵬一夫當關萬人一作夫莫開所守或匪

親一作人化爲狼與豺朝避猛虎夕避長蛇磨牙吮血殺人如麻

錦城雖云樂不如早還家蜀道之難難於上青天側身西望長

咨嗟

梁甫吟相和歌辭國藩按李勉琴說言曾子思其父母撰

梁甫吟郭茂倩謂梁甫吟者言人死葬此山亦葬

歌也諸葛武侯之梁甫吟似可賢士之冤

長嘯梁甫吟何時見陽春君不見朝歌屠叟辭棘津八十四來

釣渭濱。鬢羞白髮。照涼水。逢時壯一作壯。氣思經綸。廣張三千六

百鉤

一作鈞

風期暗與文王親。大賢虎變。愚不測。當年頗似尋常

人。君不見高陽酒徒。起草中。長揖山東。隆準公。入門開說一作

游騁雄辯

兩女輟洗來。趨風東下齊城七十二。指麾楚漢如旋

蓬狂客

一作生

落拓尙如此。何況壯士當羣雄。我欲攀龍見明主

雷公砰訇震天鼓。帝旁投壺多玉女。三時大笑開電光。倏爍晦

冥起風雨。闔闔九門不可通。以額叩關闢者怒。白日不照吾精

誠。杞國無事憂天傾。猱獠磨牙競人肉。騶虞不折生草莖。手接

飛猱搏彫虎。側足焦原未言苦。智者可卷愚者豪。世人見我輕

鴻毛。力排南山三壯士。齊相殺之費二桃。吳楚弄兵無劇孟。亞

夫哈爾爲徒勞梁甫吟聲正悲張公兩龍劍神器合有時風雲  
感會起屠釣大人峴岷當安之

烏夜啼

清商曲辭國藩按郭集所引唐書樂志竊坊記皆云宋彭城王義康聞烏夜啼被救而作此曲今郭

集所錄諸詩殊無及救事者

黃雲城邊烏欲棲歸飛啞啞枝上啼機中織錦秦川女

一作閨中織婦

素家碧紗如煙隔窗語停梭悵然

一作望

憶遠人

一作問人

獨宿

孤房

一作獨宿空堂淚如雨

一作停梭向人問故夫知在關西淚如雨

烏棲曲

清商曲辭

姑蘇臺上烏棲時吳王宮裏醉西施吳歌楚舞歡未畢青山猶  
銜半邊日銀箭金壺一作金壺丁丁漏水多起看秋月墜江波東方漸

高柰樂

一作何

戰城南

鼓吹曲辭  
漢鏡歌

去年戰桑乾源今年戰蔥河道洗兵條支海上波放馬天山雪  
中草萬里長征戰三軍盡衰老匈奴以殺戮爲耕作古來唯見  
白骨黃沙田秦家築城備胡處漢家還有烽火然烽火然不息  
征戰一作長征無已時野戰格鬪死敗馬號鳴向天悲烏鷲啄人腸  
銜飛上挂枯樹枝一作枯枝士卒塗草莽將軍空爾爲乃知兵者  
是凶器聖人一作君不得已而用之

將進酒

一作惜空樽酒  
鼓吹曲辭漢鏡歌

君不見黃河之水天上來奔流到海不復回君不見高堂明鏡

十大家詩鈔

卷十

七古

李白

四



悲白髮朝如青絲暮成一作如雪人生得意須盡歡莫使金樽空

對月天生我材必有用一作財又作天生吾徒有俊材千金一作黃

散盡還復來烹羊宰牛且爲樂會須一飲三百杯岑夫子丹邱

生進酒君莫停一作將進酒杯莫停與君歌一曲請君爲我傾耳聽鐘鼓

饌玉不足貴一作是貴但願長醉不用復一作醒古來聖賢皆寂

寞一作死盡唯有飲者留其名陳王昔時日一作日宴平樂斗酒十千恣

歡讌主人何爲言少錢徑須沽酒對君酌一作且須沽酒共君酌五花馬

千金裘呼兒將出換美酒與爾同銷萬古愁

行行且遊獵篇雜曲歌辭郭集作行行遊且獵篇樂府解題曰梁劉孝威遊獵篇備言遊行射獵之

事亦謂之行  
行遊且獵篇

邊城兒生平不讀一字書但知遊獵誇輕趨胡馬秋肥宜白草

騎來躡影何矜驕

一作可憐驕

金鞭拂雪揮鳴鞘半酣呼鷹出遠郊

弓彎

一作滿

月不虛發雙鷁迸落連飛髻海邊觀者皆辟易猛

氣英風振沙磧儒生不及遊俠人白首垂帷復何益

飛龍引二首

琴曲歌辭郭集錄者二家

黃帝鑄鼎於荆山鍊丹砂丹砂成黃金騎龍飛去太上家雲愁  
海思令人嗟宮中綵女顏如花飄然揮手凌紫霞從風縱體登  
鸞一作鸞車登鸞車侍軒轅遨遊青天中其樂不可言

鼎湖流水清且閑軒轅去時有弓劍古人傳道畱其間後宮嬋  
娟多花顏乘鸞飛煙亦不還騎龍攀天造天關造天關聞天語

屯雲河車載玉女。載玉女過紫皇。紫皇乃賜白兔所擣之藥。方後天而老凋三光。下視瑤池見王母。蛾眉蕭颯如秋霜。

天馬歌

郊廟歌辭漢郊祀歌中題

天馬來出月支窟。背爲虎文龍翼骨。嘶青雲振綠髮。蘭筋權奇走滅沒。騰崑崙歷西極。四足無一蹶。雞鳴刷燕哺。秣越神行電。邁躡恍惚。天馬呼飛龍。一作黃趨目明長庚。臆雙鳧尾如流星首。渴烏口噴紅光汗。滿珠曾陪時龍躍。天衢羈金絡。月照星一作皇都逸氣稜稜。凌九區白壁如山。誰敢沾回頭笑紫鸞。但覺爾輩愚。天馬奔戀君軒。踈躍驚矯浮雲翻。萬里足躑躅。遙瞻闔闔門。不逢寒風子。誰採逸景孫。白雲在青天。邱陵遠崔嵬。鹽車上峻

坂倒行逆施畏日晚伯樂剪拂中道遺少盡其力老棄之願逢  
田子方惻然爲我思悲一作雖有玉山禾不能療苦我一作肌嚴霜  
五月凋桂枝伏櫪銜冤摧兩眉請君贖穆天子猶堪弄影舞  
瑤池

行路難三首

第三首一作古興。雜曲吹辭樂府解題曰行路難備言世路艱難及離別悲傷之意

金樽清酒斗十千玉盤珍羞直萬錢停杯投箸不能食拔劍四  
顧心茫然欲渡黃河冰塞川將登太行雪暗天一作閑來垂釣  
坐一作碧溪上忽復乘舟夢日邊行路難多歧路今安在  
長風破浪會有時直挂雲帆濟滄海

大道如青天我獨不得出羞逐長安社中兒赤雞白狗一作賭

梨栗彈劒作歌奏苦聲曳裾王門不稱情淮陰市井笑韓信漢  
朝公卿忌賈生君不見昔時燕家重郭隗擁簪折節無嫌猜劇  
辛樂毅感恩分輸肝剖膽効英一作才昭王白骨縈蔓草誰人  
更掃黃金臺行路難歸去來

有耳莫洗潁川水有口莫食首陽蕨含光混世貴無名何用孤  
高比雲月吾觀自古賢達人功成不退皆殞身子胥旣棄吳江  
上屈原終投湘水濱陸機雄才豈自保李斯稅駕苦不早華亭  
鶴唳詎可聞上蔡蒼鷹何足道君不見吳中張翰稱達生秋風  
忽憶江東行且樂生前一杯酒何須身後千載名

長相思

雜曲歌辭。郭集古詩曰。客從遠方來。避我一書。札上言長相思。下言以離。

別李陵詩曰。行人難久。

謂各言長相思蘇武詩日生當復來歸死當長相思長者久遠之辭言行人久戍寄書以遺所思也古詩又曰客從遠方來遺我一端綺文采雙鴛鴦裁爲合歡被著以長相思緣以結不解謂被中著絲以致相思絲絲之意故曰長相思也又

長相思在長安

絡緯秋啼金井欄

一作

霜淒淒篔簹色寒孤燈

不明

一作寐又作眠

思欲絕卷

帷望月空長歎美人如花

一作佳隔雲

端上有青冥之高天下有滌水之波

瀾天長路遠魂飛苦夢魂

不到關山難長相思摧心肝

日色已盡花含煙月明欲素愁不眠趙瑟初停鳳凰柱蜀琴欲

奏鴛鴦絃此曲有意無人傳願隨春風寄燕然憶君迢迢隔青

天昔日橫波目今成流淚泉不信妾腸斷歸來看取明鏡前

美人在時花滿堂美人去後空餘牀牀中繡被卷不寢至今三

載猶聞香亦竟不滅人亦竟不來相思黃葉落白露點青苔

上畱田

相和歌辭

。郭集古今樂錄曰王僧虔技錄有上畱田行今不歌崔豹古今注曰上畱田地名也人

有父母死不字其孤弟者鄰人爲其弟作悲歌以風其

兒注曰上畱田樂府廣題曰蓋漢世人也云里中有啼

行至上畱田孤墳何崢嶸積此萬古恨春草不復生悲風四邊

來腸斷白楊聲借問誰家地理沒蒿里塋古老向余言言是上

畱田蓬科馬鬣今已平昔之弟死兄不葬他人於此舉銘旌一

鳥死百鳥鳴一獸走百獸驚桓

一作

山之禽別離苦欲去回翔

不能征田氏倉卒骨肉分青天白日摧紫荆交讓之木本同形

東枝顛顛西枝榮無心之物尙如此參商胡乃尋天兵孤竹延陵讓國揚名高風緬邈頽波激清尺布之謠塞耳不能聽

春日行

雜曲歌辭。鮑照春日行言春日泛舟飲酒張籍春日行言春日入園賞花太白此詩言泛舟而不

仙願學

深宮高樓入紫清金作蛟龍盤繡楹一作繡佳人當窗弄白日

絃將手語彈鳴箏春風吹落君王耳此曲乃是昇天行因出天

池汎蓬瀛樓船蹙沓波浪驚三千雙蛾獻歌笑搥鐘考鼓宮殿

傾萬姓聚舞歌太平我無爲人自甯三十六帝欲相迎仙人飄

翩下雲駟帝不去畱鎬京安能爲軒轅獨往入窅冥小臣拜獻

南山壽陛下萬古垂鴻名



前有樽酒行二首

雜曲歌辭。郭集作前有一樽酒行此題郭集錄者四家大抵及時行樂之意

春風東來忽相過金樽綠酒生微波落花紛紛稍覺多美人欲

醉朱顏酡青軒桃李能幾何流光欺人忽蹉跎君起舞日西

將夕當年意氣不肯傾白髮如絲一作垂歎何益

琴奏龍門之綠桐玉壺美酒清若空催絃拂柱與君飲看朱成

碧顏始紅一作眼白看胡姬貌如花當壚笑春風笑春風舞羅

衣君今不醉欲安歸

夜坐吟

雜曲歌辭。郭集錄者三家

冬夜寒覺夜長沈吟久坐坐北堂冰合井泉月入闈金缸青

凝照悲啼金缸滅啼轉多掩妾淚聽君歌歌有聲妾有情情聲

合兩無違一語不入意從君萬曲梁塵飛

野田黃雀行

相和歌辭。郭集古今樂錄曰王僧虔技錄有野田黃雀行今不歌樂府解題曰晉樂奏

東阿王置酒高殿上始言豐膳樂飲盛賓主之獻酬中言歡極而悲嗟盛時不再終言歸於知命而無憂也蔡

遊莫逐炎洲翠棲莫近吳宮鸞吳宮火起焚爾巢炎洲逐翠遭

網羅蕭條兩翅蓬蒿下縱有鷓鴣柰若何

一作何

終始與公無渡河之

攀天莫登龍走山莫騎虎貴賤結交心不移唯嚴陵及光武

周公稱大聖管蔡甯相容漢謠一斗粟不與淮南春兄弟尙路

人行一作吾心安所從他人方寸閒山海幾千重輕言託朋友對

面九疑峯多花必早落桃李不如松管鮑久已死何人繼其蹤

雉朝飛

作

琴曲歌辭。郭集錄者七家國藩按雉朝飛齊宣王時處士浪首年五十無妻出見雉雌雄相隨而

麥隴青青三月時白雉朝飛挾兩雌錦衣綺翼何離縱犢牧採  
薪感之悲春天和白日暖啄食飲泉勇氣滿爭雄鬪死繡頸斷  
雉子班奏急管絃心傾美酒盡玉椀枯楊枯楊爾生莢我獨七  
十而孤棲彈絃寫恨意不盡瞑目歸黃泥

上雲樂

老胡文康詞或云范雲及周捨所作今擬之。清商曲辭郭集錄者四家

金天之西白日所沒康老胡雛生彼月窟巖巖容儀戍削風骨

碧玉皎皎雙目瞳，黃金拳拳兩鬢紅。華蓋垂下曉嵩岳，臨上層  
不覩譎詭貌，豈知造化神。大道是文康之嚴，父元氣乃文康之  
老親。撫頂弄盤古，推車轉天輪。云見日月初生時，鑄冶火精與  
水銀陽烏未出谷，顧兔半藏身。女媧戲黃土，團作愚下人。散在  
六合間，濛濛若沙塵。生死了不盡，誰明此胡是仙真。西海栽若  
木，東溟植扶桑。別來幾多時，枝葉萬里長。中國有七聖，半路頽  
鴻荒。陛下應運起，龍飛入咸陽。赤眉立盆子，白水興漢光。叱咤  
四海動，洪濤爲簸揚。舉足躡紫微，天關自開張。老胡感至德，東  
來進仙倡。五色師子九苞鳳，鳳是老胡鷄。犬鳴舞飛帝鄉，淋漓  
颯沓進退成。行能胡歌獻漢酒，跪雙膝竝兩肘。散花指天舉素

手拜龍顏獻聖壽北斗戾南山擢天子九九八十一萬歲長傾

萬歲一作年杯

夷則格上白鳩拂舞辭舞曲歌辭○古今樂錄曰鞞鐸巾拂四舞梁并夷則格鍾磬鳩拂和

故白擬之爲夷則格上白鳩拂舞辭云

鏗鳴鐘考朗鼓歌白鳩引拂舞白鳩之白誰與鄰霜衣雪襟誠

可珍含哺七子能平均食不咽性安一作可馴首農政鳴陽春天

子刻玉杖鏤形賜耆人白鷺一作鷹亦白非純眞外潔其色心匪

仁闕五德無司農胡爲啄我葭下之紫鱗鷹鷗鶚貪而好殺

鳳皇雖大聖不願以爲臣

日出入行相和歌辭○郭集作日出東南隅行錄者十三家

日出東方隈似從地底來歷天又復入西海六龍所舍安在哉  
其始與終古不息一作其行終古不休人非元氣安得與之久徘徊草  
不謝榮於春風木不怨落於秋天誰揮鞭策驅四運萬物興歎  
皆自然羲和羲和汝奚汨沒於荒淫之波魯陽何德駐景揮戈  
逆道違天矯誣實多吾將囊括大塊浩然與溟滓同科

胡無人

相和歌辭。郭集錄者五。家大約皆努力破胡之意。

巖風吹霜海草凋筋幹精堅胡馬驕漢家戰士三十萬將軍兼  
領一作霍嫖姚流星白羽腰間插劍花秋蓮光出匣天兵照雪  
下玉關虜箭如沙射金甲雲龍風虎盡一作畫交回太白入月敵  
可摧敵可摧旄頭滅履胡之腸涉胡血懸胡青天上埋胡紫塞

旁胡無人。漢道昌陛下之壽三千霜。但歌大風雲飛揚。安用猛士兮守四方。

北風行

雜曲歌辭。鮑照及太白皆言北風雨雪而行人不歸。

燭龍棲寒門光耀猶且開日月照之何不及此。

一作日月之唯

賜不及此。

有北風號怒天上來。燕山雪花大如席。片片吹落軒轅臺。幽州思婦十二月。停歌罷笑雙蛾摧。倚門望行人。念君長城苦寒夏。可哀別時提劍救邊去。遺此虎文金鞞鞞。中有一雙白羽箭。蜘蛛結網生塵埃。箭空在人。今戰死不復回。不忍見此物。焚之已成。一作灰黃河。捧土尚可塞。北風雨雪恨難裁。一作

獨漉篇

舞曲歌辭

獨漉水中泥水濁不見月不見月尙可水深行人沒越鳥從南  
來胡鴈亦北度我欲彎弓向天射惜其中道失歸路落葉別樹  
飄零隨風客無所託悲與此同羅帷舒卷似有人開明月直人  
無心可猜雄劍挂壁時時龍鳴不斷犀象羞澁苔生國恥未雪  
何由成名神鷹夢澤不顧鷓鴣爲君一擊搏鵬九天

登高邱而望遠海

相和歌辭

登高邱望遠海六鼈骨已霜三山流安在扶桑半摧折白日沈  
光彩銀臺金闕如夢中秦皇漢武空相待精衛費木石鼃鼃無  
所憑君不見驪山茂陵盡灰滅牧羊之子來攀登盜賊劫寶玉  
精靈竟何能窮兵黷武今如此鼎湖飛龍安可乘



陽春歌

清商曲辭。郭集錄者六家。

長安白日照春空。綠楊結煙桑。

一作垂。

裊風披香殿。前花始紅流。

芳發色繡戶。中繡戶中相經過。飛鸞皇后輕身舞。紫宮夫人絕

世歌。聖君三萬六千日。歲歲年年柰樂何。

楊叛兒

清商曲辭。郭集錄者四家。郭集唐書樂志曰。楊叛兒。伴兒。本童謠歌也。齊隆昌時。女巫巫之子曰楊曼少。時隨母人內及長。爲何后寵童謠云。楊婆兒共戲。來所歡語。訛遂成楊伴兒。古今樂錄曰。楊叛兒。送聲云。叛兒。殺儂不復相思。

君歌。楊叛兒。妾勸新豐酒。何許最關人。烏啼白門柳。烏啼隱楊

花。君醉畱妾家。博山鑪中沈香火。雙煙一氣凌紫霞。

雙鸞離

桂琴曲歌辭。郭集錄者三家。

雙鷺復雙鷺。雙飛令人羨。玉樓珠閣不獨棲。金窗繡戶常相見。  
柏梁失火去。因入吳王宮。吳宮又焚蕩。雛盡巢亦空。憔悴一身  
在。孀雌憶故雄。雙飛難再得。傷我寸心中。

山人勸酒

琴曲歌辭

蒼蒼雲松落落綺。皓春風爾來爲阿誰。胡蝶忽然滿芳草。秀眉  
霜雪桃花貌。青髓綠髮長美好。稱是秦時避世人。勸酒相歡不  
知老。各守兔一作鹿志。恥隨龍虎爭。歛起一作安太子漢皇乃  
復驚。顧謂戚夫人。彼翁羽翼成。歸來商山下。泛若雲無情。舉觴  
酌巢由。洗耳何獨太。一作浩清浩歌望嵩嶽。意氣還一作遙相傾。

于闐採花

雜曲歌辭。郭集錄者二家。

于闐採花人自言花相似明妃一朝西入胡胡中美女多羞死  
乃知漢地多名姝胡中無花可方比丹青能令醜者妍無鹽翻  
在深宮裏自古妬蛾眉胡沙埋皓齒

鞠

歌行

相和歌辭

郭集錄者四家按鞠歌行言知己難逢之意郭集古今樂錄曰王僧虔技錄平賦又有

鞠歌行今無歌者陸機序曰按漢宮閣有含章鞠室芝鞠室後漢馬防第宅卜臨道連閣通池鞠城爛於街路鞠歌將謂此也又東阿王詩連騎擊壤或謂蹴鞠乎

以託

意焉

玉不自言如桃李魚目笑之卞和恥楚國青蠅何太多連城白  
璧遭讒毀荆山長號泣血人忠臣死爲朋足鬼聽曲知甯戚夷  
吾因小妻秦穆五羊皮買死百里奚洗拂青雲上當時賤如泥

朝歌鼓刀虺虎變蟠溪中一舉釣六合遂荒營邱東平生渭水  
曲誰識此老翁奈何今之人雙目送飛鴻

幽淵泉

琴曲  
歌辭

拂彼白石彈吾素琴幽淵愀兮流泉深善手明徽高張清心寂  
歷似千古松颼颼兮萬尋中見愁援弔影而危處兮叫秋木而  
長吟客有哀時失志而聽者淚淋浪以沾襟乃緝商綴羽潺湲  
成音吾但寫聲發憤於妙指殊不知此曲之古今幽淵泉鳴深  
林

王昭君二首

一作昭君怨○相和歌  
辭郭集錄者二十一

漢家秦地月流影照

一作送

明妃

一上玉關道

天涯去

不歸漢月

還從東海

一作方

出明妃西嫁無來日燕支長寒雪作花娥眉憔悴沒胡沙生乏黃金枉圖畫死留青冢使人嗟

昭君拂玉鞍上馬啼紅頰今日漢宮人明朝胡地妾

中山孺子妾歌

雜歌謠辭○郭集漢書曰詔賜中山靖王

滿曰孺子幼少稱孺子妾宮人也顏師古曰孺子王妾之有品號者妾王之眾妾也冰其名才人天子內官按此謂以歌詩賜中山王及孺子妾未央才人等爾累言之故云及也而陸厥作歌乃謂之中山孺子妾失之遠矣藝文志又曰臨江王及愁思節士歌詩四篇李夫人及幸貴人歌詩三篇亦皆累辭也國藩按如郭之說則靖王子噲也孺子妾冰也未央才人也三者并列陸厥及太白詞皆失之然則古詞之郢書燕說者亦多矣

中山孺子妾特以色見珍雖不如延年妹亦是當時絕世人桃

李出深井花豔驚上春一填復一賤關天豈由身芙蓉老秋霜

團扇羞網塵，戚姬髡入春市。萬古共悲辛。

荆州樂

雜曲歌辭。郭云：荆州樂蓋出於清商曲之江陵樂。荆州卽江陵也。又有紀南歌，亦出於此。

白帝城邊足風波，瞿塘五月誰敢過。荆州麥熟繭成蛾，繅絲憶君頭緒多。撥穀飛鳴柰妾何。

設辟邪仗鼓吹雉子班曲辭

鼓吹曲辭。郭集錄者四家。

辟邪仗作鼓吹，驚雉子班之奏曲成。喔咻振迅欲飛鳴，扇錦翼雄風生。雙雌同飲啄，趨悍誰能爭。乍向草中耿介死，不求黃金籠下生。天地至廣大，何惜遂物情。鼓吹曲皆軍中之樂，耿介死，四句亦烈士報國之志也。

善卷讓天子，務光亦逃名。所貴曠士懷，朗然合太清。

古有所思

鼓吹曲辭。郭集錄者二十四家，大抵皆思婦之詞。

我思仙

一作佳

人乃在碧海之東隅海寒多天風白波連山

一作天

倒蓬壺長鯨噴湧不可涉撫心茫茫淚如珠西來青鳥東飛去

願寄一書謝麻姑

久別離

雜曲歌辭○郭集與  
遠別離長別離爲類

別來幾春未還家玉窗五見櫻桃花況有錦字書開緘使

一作命

人嗟至此腸斷彼心絕雲鬢綠鬢罷攬結愁如回颺亂白雪去

年寄書報陽臺今年寄書重相催胡爲東風爲我吹行雲使西

來待來竟不來落花寂寂委青苔

採蓮曲

清商曲辭○郭集  
錄者二十二家

碧耶溪傍採蓮女笑隔荷花共人語日照新妝水底明風飄香

袖空中華岸上誰家遊冶郎三三五五映垂楊紫騮嘶入落花  
去見此踟躕空斷腸

白頭吟

相和歌辭○郭集錄者大家郭集古今樂錄曰王

雜記曰司馬相如將聘茂陵人女爲妾卓文君作白頭

吟以自絕相如乃止樂府解題曰古辭云體如山上雪

皎若雲間月又云願得一人心白頭不相離始言良人

有兩意故來與之相決絕次言別於清水之上敘其本

情終言男兒重意氣何川錢刀爲若宋鮑照直如朱絲

繩陳張正見平生懷直道唐虞世南氣如幽徑關皆自

傷清直芬馥而遭錄金玷玉之謗君恩以薄與古文近

焉一說云白頭吟疾人相知以新開舊不能至於白首

故以爲名唐元稹又有決絕詞亦出於此

錦水東流碧波蕩雙鴛鴦雄巢漢宮樹雌弄秦草芳相如去蜀  
謁武帝赤車駟馬生輝光一朝再覽大人作萬乘忽欲凌雲翔



聞道阿嬌失恩寵。千金買賦要君王。相如不憶貧賤日。官高金  
多聘私室。茂陵姝子皆見求。文君歡愛從此畢。淚如雙泉水。行  
墮紫羅襟。五起雞三唱。清晨白頭吟。長吁不整絲雲鬢。仰訴青  
天哀怨深。城崩杞梁妻。誰道士無心。東流不作西歸水。落花辭  
枝羞故林。頭上玉鸞釵。是妾嫁時物。贈君表相思。羅袖幸時拂。  
莫卷龍鬢席。從他生網絲。且畱琥珀枕。還有夢來時。鸞鵲裘在  
錦屏上。自君一挂無由人。一作披妾有秦樓鏡。照心勝照井。願持  
照新人。雙對可憐影。覆水卻收不滿杯。相如還謝文君回。古來  
得意不相負。祇今唯有青陵臺。

臨江王節士歌

漢書藝文志云臨江王及愁思節士歌詩四篇是臨江王也愁思節士也二者并列

陸贄及太白之詞皆失之史信賦云臨江王有愁思之歌亦失之矣

洞庭白波木葉稀燕鴈始入吳雲飛吳雲寒燕鴈啾風號沙宿

瀟湘浦節士感秋淚如雨白日當天心照之可以事明主壯士

一作憤雄風生安得倚天劍跨海斬長鯨

司馬將軍歌代隴上健兒陳安按劉曜之將平先破陳安

無悲傷壯士戰死之意未詳何說

狂風吹古月竊弄璋華臺北落明星動光彩南征猛將如雲雷

一作南方有手中電曳一作電倚天劍直斬長鯨海水開我見樓

船壯心目頗似龍驤下三蜀揚兵習戰張虎旗江中白浪如銀

屋身居玉帳臨河魁紫髯若戟冠崔嵬細柳開營揖天子始知

灞上爲櫻孩羌笛橫吹阿鞞回向月樓中吹落梅將軍自起舞  
長劔壯士呼聲動九垓功成獻凱見明主丹青畫像麒麟臺

君道曲

梁之雅歌有五篇今作一章。清商曲辭

大君若天覆廣運無不至軒后爪牙常先太山稽如心之使臂  
小白鴻翼於夷吾劉葛魚水本無二土扶可成牆積德爲厚地  
結襪子維曲歌辭按漢書王生使張釋之結襪而釋之名愈重太白此辭大抵言感恩之重而以命相許也  
燕南壯士吳門豪筑中置鉛魚隱刀感君恩重許君命太山一  
擲輕鴻毛

白紵辭三首

舞曲歌辭。郭集白紵曲白紵歌白紵辭錄者共十四家

揚清歌

一作音

發皓齒北方佳人東鄰子旦吟白紵停綠水長袖

拂面爲君起寒雲夜卷霜海空胡風吹天飄塞鴻玉顏滿堂樂  
未終館娃日落歌吹濛

月寒江清夜沈沈美人一笑千黃金垂羅舞榭揚哀音郢中白  
雪且莫吟子夜吳歌動君心動君心冀君賞願作天池雙鷺鴦  
一朝飛去青雲上

吳刀翦綵

一作綺

縫舞衣

明粧麗服奪春輝揚眉轉袖若雪飛傾

城獨立世所稀激楚結風醉忘歸高堂月落燭已微玉釵挂纓  
君莫違

鳴鴈行

雜曲歌辭○郭集錄者六家

胡鴈鳴辭燕山昨發委羽朝度關一一銜蘆枝南飛散落天地

聞連行接翼往復還客居煙波寄湘吳  
凌霜觸雪毛體枯畏逢  
繪繳驚相呼聞弦虛墜良可吁君更彈射何爲乎

鳳笙篇

仙人十五愛吹笙學得崑邱彩鳳鳴  
始聞鍊氣飡金液復道朝天赴玉京  
玉京迢迢幾千里鳳笙去去無窮已  
欲歎離聲發絳脣更嗟別調流纖指  
此時惜別詎堪聞此地相看未忍分  
重吟真曲和清吹卻奏仙歌響綠雲  
綠雲紫氣向函關訪道應尋緱氏山  
莫學吹笙王子晉一遇浮邱斷不還

清平調詞三首

雲想衣裳花想容春風拂檻露華濃  
若非羣玉山頭見會向瑤

臺月下逢

一枝紅豔露凝香。雲雨巫山枉斷腸。借問漢宮誰得似，可憐飛

鷲倚新妝。

名花傾國兩相歡，長得君王帶笑看。解釋春風無限恨，沈香亭

北倚闌干。

白鼻騮

橫吹曲辭。郭集錄者二家。

銀一作鞍白鼻騮。綠地障泥錦細雨，春風花落時。一作春風細雨花落時。

揮鞭直就胡姬飲。

猛虎行

一作吟。相和歌辭。郭集錄者十家。國藩按：猛虎行多言不以艱險改節。太白此詩則自傷不遇耳。

朝作猛虎行，暮作猛虎吟。

一作行亦猛虎吟。坐亦猛虎吟。斷非關隴頭水淚。

下不爲雍門琴旂旌

一作旌

纒紛兩河道戰鼓驚山欲傾倒秦人

半作燕地囚胡馬翻銜洛陽草一輸一失關下兵朝降夕叛幽

薊城巨鯨未斬海水動魚龍奔走安得甯頗似楚漢時翻覆無

定止朝過博浪沙暮入淮陰市張良未遇韓信貧劉項存亡在

兩臣暫到下邳受兵略來投漂母作主人賢哲恹恹古如此今

時亦棄青雲士有策不敢犯龍鱗鼠身南國避胡塵寶書玉劍

挂高閣金鞍駿馬散故人昨日方爲宣城客掣鈴交通二千石

有時六博快壯心

一作快

遠牀三匝呼一擲楚人每道張旭奇

心藏風雲世莫知三吳邦伯皆

一作多

顧眄四海雄俠兩追隨

皆相推

蕭曹曾作沛中吏攀龍附鳳當有時溧陽酒樓三月春楊

花茫茫

一作漠漠

愁殺人胡鵝綠眼吹玉笛吳歌白紵飛梁塵丈夫

相見

一作到處

且爲樂槌牛搗鼓會眾賓我從此去釣東海得魚笑

寄情相親

旂旌以下八句敘述安史之亂頗似楚漢時以下十句借張韓以自喻有策不敢犯龍鱗以下則自敘其

落魄不偶宣城溧陽皆其所經之地也

少年行二首

雜曲歌辭○郭集錄者十四家

五陵年少金市東銀鞍白馬度春風落花踏盡遊何處笑入胡

姬酒肆中

君不見淮南少年遊俠客白日毬獵夜擁擲呼盧百萬終不惜

報讎千里如咫尺少年遊俠好經過渾身裝束皆綺羅蘭蕙相

隨喧妓女風光去處滿笙歌驕矜自言不可有俠士堂中養來



久好鞍好馬。乞與人十千。五千旋沽酒。赤心用盡爲知己。黃金  
不惜栽桃李。桃李栽來幾度春。一回花落一回新。府縣盡爲門  
下客。王侯皆是平交人。男兒百年且樂命。何須徇書受貧病。男  
兒百年且榮身。何須徇節甘風塵。衣冠半是征戰士。窮儒浪作  
林泉民。遮莫枝根長百丈。不如當代多還往。遮莫親姻連帝城。  
不如當身自簪纓。看取富貴眼前者。何用悠悠身後名。

擣衣篇

閨裏佳人年十餘。嘔蛾對影恨離居。忽逢江上春歸鷺。銜得雲  
中尺素書。玉手開緘長歎息。狂夫猶戍交河北。萬里交河水北  
流。願爲雙鳥泛中洲。君邊雲擁青絲騎。妾處苔生紅粉樓。樓上

春風日將歇誰能攬鏡看愁髮曉吹員管隨落花夜擣戍衣向  
明月明月高高刻漏長真珠簾箔掩蘭堂橫垂寶幄同心結半  
拂瓊筵蘇合香瓊筵寶幄連枝錦燈燭熒熒照孤寢有使憑將  
金剪刀爲君畱下相思枕摘盡庭蘭不見君紅巾拭淚坐氤氳  
明年若更征邊塞願作陽臺一段雲

以上樂府

### 襄陽歌

落日欲沒峴山西倒著接離一作行客辭歸花下迷襄陽小兒齊拍手  
攔街爭唱白銅鞮傍人借問笑何事笑殺山公醉似泥鷓鴣杓  
鷓鴣杯百年三萬六千日一日須傾三百杯遙看漢水鴨頭綠  
恰似蒲萄初醱醅此江若變作春酒蟲麴便築糟邱臺千金駿

馬換少妾醉坐雕鞍歌落梅車傍側挂一壺酒鳳笙龍管行相  
催咸陽市中歎黃犬何如月下傾金轡君不見晉朝羊公一片  
古碑材龜頭剝落生莓苔淚亦不能爲之墮心亦不能爲之哀  
誰能憂彼身後事金甌銀鴨葬死灰清風朗月不用一錢買玉  
山自倒非人推舒州杓力士鎗一作黃金李白一作酒仙與爾同死  
生襄王雲雨今安在江水東流猿夜聲

江上吟

一作江上游

木蘭之枻沙棠舟玉簫金管坐兩頭美酒樽一作當中置干斛載  
妓隨波任去閒仙人有待乘黃鶴海客無心隨白鷗屈平詞賦  
懸日月楚王臺榭空山邱興酣落筆搖五岳詩成嘯傲凌滄洲

功名富貴若長在漢水亦應西北流

侍從宜春苑奉詔賦龍池柳色初青聽新鸚百轉歌

長安

東風已綠瀛洲草紫殿紅樓覺春好池南柳色半青青縈煙裊  
娜拂綺城垂絲百尺挂雕楹上有好鳥相和鳴開關早得春風  
情春風卷入碧雲去千門萬戶皆春聲是時君王在錦京五雲  
垂暉耀紫清仗出金宮隨日轉天回玉輦繞花行始向蓬萊看  
舞鶴還過芭若聽新鶯新鶯飛繞上林苑願入鶯韶雜鳳笙

玉壺吟

烈士擊玉壺壯心惜暮年三杯拂劍舞秋月忽然高詠涕泗漣

一作秋月

鳳凰初下紫泥詔謁帝稱觴登御筵揄揚九重萬乘

忽高懸

鳳凰初下紫泥詔謁帝稱觴登御筵揄揚九重萬乘

七古

李白

三

主謔浪赤墀青瑣賢朝天數換飛龍馬勅賜珊瑚白玉鞭世人  
不識東方朔大隱金門是謫仙西施宜笑復宜嘖醜女效之徒  
築身君王雖愛蛾眉好無柰宮中妬殺人鳳凰以下八句皆自  
贊之詞西施四句傷  
不遇也○此開有笑歌行二首未抄實非太白詩也郭  
茂倩以悲歌行錄入雜曲歌辭以笑歌行錄入新樂府辭不知  
有何區別殆亦強作解

爾歌行上新平長史兄粲

陝西

幽谷稍稍振庭柯涇水浩浩揚湍波哀鴻酸嘶暮聲急愁雲蒼  
慘寒氣多憶昨去家此爲客荷花初紅柳陰碧中宵出飲三百  
杯明朝歸揖二千石甯知流寓變光輝胡霜蕭颯繞客衣寒灰  
寂寞竟誰暖落葉飄揚何處歸吾兄行樂窮曠旭滿堂有美顏

如玉趙女長歌入彩雲  
燕姬醉舞嬌紅燭  
狐裘獸炭酌流霞  
壯士悲吟甯見嗟  
前榮後枯相翻覆  
何惜餘光及棗華

西嶽雲臺歌送丹邱子

西嶽崢嶸何壯哉  
黃河如絲天際來  
黃河萬里觸山動  
盤渦轂轉秦地雷  
榮光休氣紛五彩  
千年一清聖人在  
巨靈咆哮擘兩

山洪波噴流射東海

一作簡射  
流東海

三峯卻立如欲摧  
翠崖丹谷高

掌開白帝精光運元氣  
石作蓮花雲作臺  
雲臺閣道連窈冥

一作

人不中有不死丹  
邱生明星玉女備灑掃  
麻姑搔背指爪輕  
我

到皇手把天地戶  
丹邱談天與天語  
九重出入生光輝  
東求蓬萊

復西歸玉漿儻惠故人飲  
騎二茅龍上天飛

元丹邱歌

元丹邱愛

一作好

神仙朝飲潁川之清流暮還嵩岑之紫煙三十

六峯長周旋長周旋躡星虹身騎飛龍耳生風橫河跨海與天

通我知爾遊心無窮

扶風豪士歌

洛陽三月飛胡沙洛陽城中人怨嗟天津流水波赤血白骨相

撐如亂麻我亦東奔向吳國一作來奔浮雲四塞道路賒東方

日出啼早鴉城門人開掃落花梧桐楊柳拂金井來醉扶風驀

士家洛陽三月四句言安祿山破東京我亦東奔四句自敘遊

避亂於吳者扶風豪士天下奇意氣相傾山可移作人不倚將軍勢

飲酒豈顧尚書期。雕盤綺食會眾客。吳歌趙舞香風吹。原營春  
陵六國時。開心寫意君所知。堂中各有三千士。明日報恩知是  
誰。撫長劍。一揚眉。清水白石何離離。脫吾帽向君笑。飲君酒爲  
君吟。張良未逐赤松去。橋邊黃石知我心。扶風豪士天下奇。以  
奇偉撫長劍。以下九  
句自述其高懷逸志。

同族弟金城尉叔

一作

卿燭照山水壁畫歌

高堂粉壁圖蓬瀛。燭前一見滄洲清。洪波洶湧山崢嶸。皎若丹  
邱隔海望。赤城光中乍喜嵐氣滅。謂逢山陰晴後雪。迴谿碧流  
寂無喧。又如秦人月下窺花源。了然不覺清心魂。祇將疊嶂鳴  
秋猿。與君對此歡未歇。放歌行吟達明發。卻顧海客揚雲帆。便



欲因之向溟渤

白毫子歌

淮南小山白毫子乃在淮南小山裏夜臥松下雪朝煖石中髓

小山連

一作

縣向山開碧峯巉巖淥水迴余配白毫子獨酌流

霞杯拂花弄琴坐青苔綠蘿樹下春風來南窗蕭颯松聲起憑

崖一聽清心耳可得見未

一作

得親八公攜手五雲去空餘桂

樹愁殺人

梁園吟

一作

長安過梁園時懷古而作也不知定在何時或祿

我浮

一作

黃河

一作

去京關挂席欲進

一作

波連山天長水闊

乘

一作

雲

社

一作

波連山天長水闊

厭遠涉訪古始及平臺開平臺爲客憂思多對酒一作醉來遂作梁

園歌卻憶蓬池阮公詠因吟淥水揚洪波洪波浩蕩迷舊國路

遠西歸安可得人生達命豈假愁且飲美酒登高樓平頭奴子

搖大扇五月不熱疑一作清秋玉素一作盤楊青一作梅爲君設吳

鹽如花皎白一作雪持鹽把酒但飲之莫學夷齊事高潔一作孤高比雲月又作昔人豪賢信陵君今人耕種信陵墳荒城虛

一作咄咄書空字還滅昔人豪賢信陵君今人耕種信陵墳荒城虛

遠一作照碧山月古木盡入蒼梧雲梁王宮闕一作賓客今安在枚馬

先歸不相待舞影歌聲散淥池空餘汴水東流海沈吟此事淚

滿衣黃金買醉未能一作莫言歸連呼五自行一作投六博分曹賭酒

酣一作看馳暉歌且謠意方遠東山高臥時一作反作還起來欲濟蒼

生未應晚

鳴皋歌送岑徵君

時梁園三尺雪  
在清冷池作

若有人兮思鳴皋阻積雪兮心煩勞  
洪河凌兢不可以徑度冰

龍鱗

兮難容  
剏邈仙山

一作神仙

之峻極兮聞天籟之嘈嘈  
霜崖縞

皓以合沓兮若長風

一作虹

扇海湧滄溟之波濤  
元猿綠熊舔啖

岌

一作崑

危咆柯振石駭膽慄魄羣呼而相號  
峯崢嶸以路絕挂

星辰於巖巖送君之歸兮動鳴皋之新作  
交鼓吹兮彈絲觴清

冷之池閣君不行兮何待若返顧之黃鶴  
掃梁園之羣英振大

雅於東洛巾征軒兮歷阻折尋幽居兮越巘  
巒盤白石兮坐素

月琴松風兮寂

一作昇

萬壑望不見兮心氛氲  
冥冥兮霰紛紛

水橫洞以下綠波小聲而上聞虎嘯谷而生風龍藏谿而吐雲

冥一作

鶴清唳飢颺呻塊獨處此幽默兮

愀一作

空山而一作

今愁人雞聚族以爭食鳳孤飛而無鄰蝦蟇嘲龍魚目混珍媼  
母衣錦西施負薪若使巢由桎梏於軒冕兮亦奚異乎夔龍  
躋於風塵哭何苦而救楚楚笑何誇而卻秦吾誠不能學二子沽  
名矯節以耀世兮固將棄天地而遺身白鷗兮飛來長與君兮  
相親

鳴皋歌奉餞從翁清歸五崖山居

昨憶鳴皋夢裏還手弄素月清潭間覺時枕席非碧山側身西  
望阻秦關麒麟閣上春還早著書卻憶伊陽好青松來風吹石

道緣蘿飛花覆煙草我家仙公愛清真才雄草聖凌古人欲臥

鳴舉絕世塵鳴皋微茫在何處五崖峽一作溪水橫樵路身披翠

雲裘袖拂紫煙一作雲去去時應過嵩少閒相思爲折三花樹鳴皋

山在河南府陸渾縣故曰伊陽公此時與從翁俱在梁園故從翁歸鳴皋應由嵩少經過也

### 僧伽歌

眞僧法號號僧伽。有時與我論三車。問言誦咒幾千徧。口道恆  
河沙復沙。此僧本住南天竺。爲法頭陀來此國。戒得長天秋月  
明。心如世上青蓮色。意清淨貌稜稜。亦不減亦不增。瓶裏千年  
舍利骨。手中萬歲胡孫藤。嗟予落泊江淮久。罕遇眞僧說空有。  
一言懺盡波羅夷。再禮渾除犯輕垢。

白雲歌送劉十六歸山

楚山秦山皆白雲。白雲處處長。隨君長隨君。君入楚山裏。雲亦隨君渡湘水。湘水上。女蘿衣。白雲堪臥君早歸。

金陵歌送別范宣

金陵

石頭巉巖如虎踞。凌波欲過滄江去。鍾山龍盤走勢來。秀色橫分歷陽樹。四十餘帝三百秋。功名事蹟隨東流。白馬小兒誰家子。秦清之歲來關囚。一作白馬金鞍誰家金陵昔時何壯哉。席卷英豪天下來。冠蓋散爲煙霧盡。金與玉座成寒灰。扣劍悲吟空咄嗟。梁陳白骨亂如麻。天子龍景陽井。誰歌玉樹後庭花。此地傷心不能道。目一作下離離長春草。送爾長江萬里心。他

年來訪南山皓

勞勞亭歌

在江甯縣南十五里古送別之所一名臨滄觀

金陵勞勞送客堂  
蔓草離離生道旁  
古情不盡東流水  
此地悲風愁白楊  
我乘素舸同康樂  
朗詠清川飛夜霜  
昔聞牛渚吟五章  
今來何謝袁家郎  
苦竹寒聲動秋月  
獨宿空簾歸夢長

既以康樂

自比又以袁宏自比但恨無邂逅相知如謝尚者致寂寂獨宿空簾耳

金陵城西樓月下吟

金陵夜寂

一作靜

涼風發

獨上高

一作西樓

望吳越

白雲映水

搖空

一作秋

城白露垂

珠滴秋月

一作清秋

淨如練

令人長

一作還憶謝元暉

來今

相接眼中稀

解道澄江淨

如練

令人長

一作還憶謝元暉

來今

相接眼中稀

解道澄江淨

如練

令人長

一作還憶謝元暉

東山吟

去江甯城三十五里晉謝安攜妓之所一云醉過謝安東山

攜妓東土山。悵然悲謝安。我妓今朝如花月。他妓古墳荒草寒。

白雞夢後五

一作三

百歲

謝安嘗夢見白雞後太歲在酉而卒

灑酒澆君同所懼。酣

來自作青海舞。秋風吹落紫綺冠。彼亦一時浩浩洪

流之

一作高

詠何必奇

浩浩洪流帶我邦。綴稽康詩也。太白之意謂不戀戀於王畿耳。

當塗趙炎少府粉圖山水歌

峨眉高出西極天。羅浮直與南溟連。名工繹思揮彩筆。驅山走海置眼前。滿堂空翠如可掃。赤城霞氣蒼梧煙。洞庭瀟湘意渺漭。三江七澤情洄沿。驚濤洶湧向何處。孤舟一去迷歸年。征帆不動亦不旋。飄如隨風落天邊。心搖目斷興難盡。幾時可到三



山巔西峯崢嶸噴流泉橫石蹙水波潺湲東崖合沓蔽輕霧深  
林雜樹空芊緜此中冥昧失晝夜隱机寂聽無鳴蟬長松之下  
列羽客對坐不語南昌仙南昌仙人趙夫子妙年歷落青雲士  
訟庭無事羅眾賓杳然如在丹青一作靑霄裏五色粉圖安足珍真  
山可以全吾身若待功成拂衣去武陵桃花笑殺人

峨眉山月歌送蜀僧晏入中京

我在巴東三峽時西看明月憶峨眉月出峨眉一作峨眉山月照滄海  
與人萬里長相隨黃鶴樓前月華白此中忽見峨眉客峨眉山  
月還送君風吹西到長安陌長安大道橫九天峨眉山月照秦  
川黃金師子承高座白玉麈尾談重元我似浮雲滯吳越君逢

聖主遊丹闕一振高名滿帝都歸時一作還弄峨眉月觀黃鶴樓前二

句太白時在江夏見僧髮也我滯吳越句當指前事言之耳

赤壁歌送別江夏

二龍爭戰決雌雄赤壁樓船掃地空烈火張天照雲海周瑜於此破曹公君去滄江望一作澄碧鯨鯢唐突留餘跡一書來

報故人我欲因一作之壯心魄

江夏行

憶昔嬌小姿春心亦自持爲言嫁夫豈得免長相思誰知嫁商賈令人卻愁苦自從爲夫妻何曾在鄉土去年下揚州相送黃鶴樓眼看帆去遠心逐江水流只言期一載誰謂歷三秋使妾

賜欲斷恨君情悠悠東家西舍同時發北去南來不逾月未知  
行李遊何方作箇音書能斷絕適來往南浦欲問西江船正見  
當爐女紅妝二八年一種爲人妻獨自多悲悽對鏡便垂淚逢  
人只欲啼不如輕薄兒旦暮長追隨悔作商人婦青春長別離  
如今正好同歡樂君去容華誰得知

懷仙歌

鶴東飛過滄海放心散漫知何在仙人浩歌望我來應攀玉  
長相待堯舜之事不足驚自餘囂囂真可輕巨鼇莫載三山  
音一作欲蓬萊頂上行

酬殷佐明見贈五雲裘歌

謝朓宅在當塗青山下

我吟謝朓詩上語朔風颯颯吹飛雨謝朓已沒青山空後來繼  
之有殷公粉圖珍裘五雲色暈如晴天散綵虹文章彪炳光陸  
離應是素娥玉女之所爲輕如松花落金粉濃似苔錦含碧滋  
遠山積翠橫海島殘霞霏丹映江草凝毫採掇花露容幾年功  
成奪天造故人贈我我不違著令山水含晴暉一作清輝頓驚謝康  
樂詩興生我衣襟前林壑斂暝色袖上煙霞收夕霏羣仙長歎  
驚此物千崖萬嶺相縈鬱身騎白鹿行飄飄手擎紫芝笑披拂  
相如不足誇鷓鴣王恭鶴氅安可方瑤臺雪花數千點片片吹  
落春風香爲君持此凌蒼蒼上朝三十六玉皇下窺夫子不可  
及矯手相思空斷腸

臨路歌

大鵬飛兮振八裔中天摧兮力不濟餘風激兮萬世遊扶桑兮  
挂石袂後人得之傳此仲尼亡乎誰爲出涕

草書歌行

少年上人號懷素草書天下稱獨步墨池飛出北溟魚筆鋒殺  
盡中山兔八月九月天氣涼酒徒詞客滿高堂牋麻素絹排數  
箱宣州石硯墨色光吾師醉後倚繩牀須臾掃盡數千張飄風  
驟雨驚颯颯落花飛雪何茫茫起來向壁不停手一行數字大  
如斗恍恍如聞神鬼驚時時只見龍蛇走左盤右旋如驚電狀  
同楚漢相攻戰湖南七郡凡幾家家家屏障書題徧王逸少張

伯英古來幾許浪得名張顛老死不足數我師此義不師古古  
來萬事貴天生何必要公孫大娘渾脫舞

山鷓鴣詞

苦竹嶺頭秋月輝苦竹南枝鷓鴣飛嫁得燕山胡鴈靖欲銜我  
向鴈門歸山雞翟雉來相勸南禽多被北禽欺紫塞嚴霜如劍  
戟蒼梧欲巢難背違我心誓死不能去哀鳴驚叫淚霑衣

和盧侍御通塘曲

君誇通塘好通塘勝耶溪通塘在何處宛在尋陽西青蘿娟娟  
拂煙樹白鷗處處聚沙堤石門中斷平湖出百丈金潭照雲日  
何處滄浪垂釣翁鼓棹漁歌趣非一相逢不相識出沒繞通塘

浦邊清水明素足別有浣紗吳女郎行盡綠潭潭轉幽疑是武陵春碧流秦人雞犬桃花裏將比通塘渠見羞通塘不忍別十去九遲迴偶逢佳境心已醉忽有一鳥從天來月出青山送行子四邊苦竹秋聲起長吟白雪望星河雙垂兩足揚素波梁鴻德耀會稽日甯知此中樂事多結句似與起句相應言會稽雖有耶溪尚不如尋陽之通塘會稽之梁孟尚不如尋陽之盧侍御也

贈郭將軍

將軍少年出武威入掌銀臺護紫微平明拂劍朝天去薄暮垂鞭醉酒歸愛子臨風吹玉笛美人騰一作向又作嬌月舞羅衣疇昔雄豪如夢裏相逢且欲醉春輝一云今日相逢俱失路何年灞上弄春輝

駕去溫泉宮後贈楊山人

少年落拓楚漢閒。風塵蕭瑟多苦顏。自言介蘆一作管葛竟誰許。長  
吁莫錯還閉關。一朝君王垂拂拭。剖心輸丹雪胸臆。忽逢白日  
迴景光。直上青雲生羽翼。幸陪鸞輦出鴻都。身騎飛龍天馬駒。  
王公大人借顏色。金章紫綬來相趨。當時結交何紛紛。片言道  
合唯有君待吾。盡節報明主。然後相攜一作攜手臥白雲。

贈裴十四

朝見裴叔則。朗如行玉山。黃河落天走東海。萬里寫入胸懷閒。  
身騎白黿不敢度。金高南山買君顧。徘徊六合無相知。飄若浮  
雲且西去。



上李邕

大鵬一日同風起，搏搖直上九萬里。  
假令風歇時下來，猶能簸卻滄溟水。  
世人見我恆殊調，見余大言皆冷笑。  
宣父猶能畏後生，丈夫未可輕年少。

述德兼陳情上哥舒大夫

天爲國家孕英才，森矛戟擁靈臺。  
浩蕩深謀噴江海，縱橫逸氣走風雷。  
丈夫立身有如此，一呼三軍皆披靡。  
衛青漫作大將軍，白起眞成一豎子。

走筆贈獨孤駙馬

都尉朝天躍馬歸，香風吹入花亂飛。  
銀鞍紫鞵照雲日，左顧右

盼生光輝是時僕在金門襄待詔公車謁天子長揖蒙垂國士  
恩壯心剖出酬知己一別蹉跎朝市閒青雲之交不可攀儻其  
公子重迴顧何必侯嬴長抱關此閒有雜言用投丹陽知己兼  
奉宣慰判官一首幾不可句讀

不復抄之

### 醉後贈從甥高鎮

馬上相逢揖馬鞭客中相見客中憐欲邀擊筑悲歌飲正值傾  
家無酒錢江東風光不借人枉殺落花空自春黃金逐手快意  
盡昨日破產今朝貧丈夫何事空嘯傲不如燒卻頭上巾君爲  
進士不得進我被秋霜生旅鬢時清不及英豪人三尺童兒唾  
麋蘭匣中盤卻裝鱗魚閑在腰間未用渠且將換酒與君醉醉

歸託宿吳鱗諸

贈潘侍御論錢少陽

繡衣柱史何昂藏。鐵冠白筆橫秋霜。三軍論事多引納。堦前虎  
士羅干將。雖無二十五老者。且有一翁錢少陽。眉如松雪齊四  
皓。調笑可以安儲皇。君能禮此最下士。九州拭目瞻清光。

流夜郎贈辛判官

流夜郎

昔在長安醉花柳。五侯七貴同杯酒。氣岸遙凌豪士前。風流肯  
落他一作誰人後。夫子紅顏我少年。章臺走馬著金鞭。文章獻  
納麒麟殿。歌舞淹留玳瑁筵。與君自謂長如此。甯知草動風塵  
起。函谷忽驚胡馬來。秦宮桃李向胡開。我愁遠謫夜郎去。何日

金雞放赦迴

江上贈竇長史

漢求季布魯朱家楚逐伍胥去章華萬里南遷夜郎國三年歸  
及長風沙聞道青雲貴公子錦帆遊弈西江水人疑天上坐樓  
船水淨霞明兩重綺相約相期何太深棹歌搖艇月中尋不同  
珠履三千客別欲論交一片心

贈漢陽輔錄事

鸚鵡洲橫漢陽渡水引寒煙沒江樹南浦登樓不見君君今罷  
官在何處漢口雙魚白錦鱗令傳尺素報情人其中字數無多  
少祇是相思秋復春

江夏贈韋南陵冰

胡驕馬驚沙塵起胡雛飲馬天津水君爲張掖近酒泉我竄三  
巴九千里天地再新法令寬夜郎遷客帶霜寒西憶故人不可  
見東風吹夢到長安甯期此地忽相遇驚喜茫如墮煙霧玉簫  
金管喧四筵苦心不得申一作長句以上喜遷  
樽繡衣當卽指潘侍御病如桃李竟何言昔騎天子大宛馬今乘款段諸  
侯門賴遇南平豁方寸南平指從弟之遙也復兼夫子持清論有似山開  
萬里雲四望青天解人悶人悶還心悶苦辛長苦辛愁來飲酒  
二千石寒灰重暖生陽春山公醉後能騎馬別是風流賢主人  
頭陀雲月多僧氣頭陀寺在鄂州宋大明五年建山水何曾稱人意不然一作能

鳴笳按鼓戲滄流。呼取江南女兒歌。棹謳我且爲君捉。碎黃鶴樓君亦爲吾倒。卻鸚鵡洲赤壁爭雄如夢裏。且須歌舞寬離憂。

贈從弟南平太守之遙

時因飲酒過度貶武陵後詩故贈

少年不主意。落拓無安居。願隨任公子。欲釣吞舟魚。常時飲酒逐風景。壯心遂與功名疏。蘭生谷底人不鋤。雲在高山空卷舒。漢家天子馳駟馬。赤車蜀道迎相如。天門九重謁聖人。龍顏一解四海春。彤庭左右呼萬歲。拜賀明主收沈淪。翰林秉筆迴英眊。麟閣崢嶸誰可見。承恩初入銀臺門。一作承恩侍從甘泉宮著書獨在金鑾殿。龍駒雕鏤白玉鞍。象牀綺食一作席黃金盤。當時笑我微賤者。卻來請謁爲交歡。一朝謝病遊江海。疇昔相知幾人在。前

門長揖後門關多言金今日結交明日改愛君山嶽心不移易隨君雲霧

迷所爲夢得池塘生春草使我長價登樓詩別後遙傳臨海作

可見羊何共和之

謝靈運與從弟惠連東海何長  
瑜穎川荀雍太山羊璠爲四友

對雪醉後贈王歷陽

有身莫犯飛龍鱗有手莫辨猛虎鬚君看昔日汝南市白頭仙

人隱玉壺子猷聞風動窗竹相邀共醉杯中綠歷陽何異山陰

時白雪飛花亂人目君家有酒我何愁客多樂酣秉燭遊謝尙

自能鸚鵡舞相如免脫鷓鴣裘清晨興一作鼓棹能過江去他日西

看卻月樓

一作千里相  
思明月樓

春日獨坐寄鄭明府

鷲麥青遊子悲河堤弱柳鬱金枝長條一拂春風去盡日飄揚無定時我在河南別離久那堪對此當窗牖情人道來竟不來何人共醉新豐酒

寄王屋山人孟大融

我昔東海上勞山飡紫霞親見安期公食棗大如瓜中年謁漢主不慚還歸家朱顏謝春暉白髮見生涯所期就金液飛步登雲車願隨夫子天壇上閑與仙人掃落花

憶舊遊寄譙郡元參軍

金陵

憶昔洛陽董糟邱爲余天津橋南造酒樓黃金白璧買歌笑一醉累月輕王侯海內賢豪青雲客就中與君一作與君心莫逆迴



山轉海不作難傾情倒意無所惜我向淮南攀桂枝君畱洛北

愁夢思

以上洛陽相會旋卽相別

不忍別還相隨相隨迢迢訪仙城三十六

曲一迴縈一溪初入千花明萬壑度盡松風聲銀鞍金絡到平

地漢東太守來相迎紫陽之真人邀我吹玉笙煢樓上動仙

樂嘈然宛似鸞鳳鳴袖長管催欲輕舉漢中太守醉起舞

一作漢東太守醉起舞

漢東

太守酬歌舞

手持錦袍覆我身我醉橫眠枕其股

以上漢陽相會旋又相別

當筵

意氣凌九霄星離雨散不終朝分飛楚關山水遙余旣還山尋

故巢君亦歸家度渭橋君家嚴君勇貔虎作尹并州遏戎虜五

月相呼度太行摧輪不道羊腸苦行來北涼歲月深感君貴義

輕黃金瓊杯綺食青玉椀使我醉飽無歸心時時出向城西曲

晉祠流水如碧玉，浮舟弄水簫鼓鳴。微波龍鱗莎草綠，興來攜

妓恣經過。其若楊花似雪何？紅鮮一作妝欲醉宜斜日。一作如百

尺清潭寫翠娥。翠娥嬋娟初月輝，美人更唱舞羅衣。清風吹歌

入空去，歌曲自繞行。雲飛以上晉州相會旋又相別此時行一作樂難再遇

西遊，因獻長楊賦。北闕青雲不可期，東山白首一作還歸去。渭

橋南頭一作渭水橋南一遇君，鄧臺之北又離羣。以上關中相會旋又相別四會四別統名

舊遊一作問余別恨今多少，落花春暮爭紛紛。一作鶯飛求友滿芳樹落花送客何紛紛

言一作亦不可盡情一作亦不可極呼兒長跪緘此辭，寄君千

里遙相憶。

寄韋南陵冰余江上乘興訪之遇尋顏尙書笑有此贈

南船正東風北船來自緩江上相逢借問君語笑一作未了風

吹斷聞君攜妓訪情人應爲尙書不顧身堂上珠履三千客

中百斛金陵春恨我阻此樂淹留楚一作江濱月色醉遠客山

花開欲然春風狂殺人一日劇三年乘興嫌太遲焚卻子猷船

夢見五柳枝已堪挂馬鞭何日到彭澤長一作歌陶令前

廬山謠寄盧侍御虛舟

我本楚狂人鳳謔笑一本作孔邱手持綠玉杖一作朝別黃鶴樓

五嶽尋仙不辭遠一生好入名山遊廬山秀出南斗傍屏風九

疊雲錦張影落明湖青黛光金闕前開二峯帳銀河倒挂一作

三石梁香爐瀑布遙相望迴崖沓嶂峻一作蒼蒼翠影紅霞映

朝日一作照鳥飛不到吳天長登高壯觀天地闊大江茫茫去

不還黃雲萬里動風色白波九道流雪山好爲廬山謠興因廬

山發園窺石鏡清我心謝公行處蒼苔沒一作綠蘿開處懸明月早服還

丹無世情琴心三疊道初成遙見仙人綵雲裏手把芙蓉朝玉

京先期汗漫九垓上願接盧敖遊太清

白漢陽病酒歸寄王明府

夏回江

去歲左遷夜郎道琉璃硯水長枯槁今年勅放巫山陽蛟龍筆  
翰生輝光聖主還聽子虛賦相如卻欲論文章願掃鸚鵡洲與  
君醉百場嘯起白雲飛七澤歌吟綠水動三湘莫惜連船沽美  
酒千金一擲買春芳

早春寄王漢陽

聞道春還未相識，走傍寒梅訪消息。  
昨夜東風入武陽，一作陌頭楊柳黃金色。  
碧水浩浩雲茫茫，美人不來空斷腸。  
預拂青山一片石，與君憑日醉壺觴。

涇溪東亭寄鄭少府諤

宣城

我遊東亭不見君，沙上行將白鷺羣。  
白鷺閑時散飛去，又如雪點青山雲。  
欲往涇溪不辭遠，龍門蹙波虎眼轉。  
杜鵑花開春已闌，歸向陵陽釣魚晚。

夢遊天姥吟

別魯諸公

一作別東

海客談瀛洲，煙濤微茫

一作瀛洲

信難求，越人語道

一作

天姥雲霓明

滅或

一作安

可觀天姥連天向天橫勢拔五嶽掩赤城天台四萬

八千丈對此欲絕

一作絕

倒東南傾我欲因之

一作冥

夢吳越一夜飛

度鏡湖月湖月照我影送我至剡谿謝公宿處今尚在綠水蕩

漾清猿啼腳著謝公屐身登青雲梯半壁見海日空中聞天雞

千巖萬轉路不定迷花倚石忽已暝熊咆龍吟殷巖泉慄深林

兮驚層巔雲

一作風

青青兮欲雨水澹澹兮生煙列缺霹靂邱巒

崩摧洞天石扇

一作扉

訇然中

一作而

開青冥浩蕩不見底日月照

耀金銀臺霓爲衣兮鳳爲馬雲之君兮紛紛而來下虎鼓瑟兮

鸞回車仙之人兮列如麻忽魂悸以魄動恍驚起而長嗟惟覺

時之枕席失向來之煙霞世閒行樂亦如此古來萬事東流水

別君去兮何時還。且放白鹿青崖間。須行即騎訪名山。安能摧眉折腰事權貴。使我不得開心顏。

留別于十一兄逖裴十三遊塞垣

太公渭川水。李斯上蔡門。釣周獵秦安。黎元小魚蠃。兔何足言。天張雲卷有時節。吾徒莫歎羝觸藩。于公白首大梁野。使人悵望何可論。既知朱亥爲壯士。且願束心秋毫裏。秦趙虎爭血中原。當去抱關救公子。裴生覽千古。龍鸞炳天章。悲一作高吟雨雪動。林木放書輟。劍思悲一作高堂勸爾一杯酒。拂爾裘上霜。爾爲我楚舞。吾爲爾楚歌。且探虎穴向沙漠。鳴鞭走馬凌黃河。恥作易水別。臨歧淚滂沱。

金陵酒肆留別

白門柳花滿

一作酒

店香吳姬壓酒喚客嘗金陵子弟來相送欲

行不行各盡觴請君問取東流水別意與之誰短長

南陵別兒童入京

一作古意

白酒新

一作初

熟山中歸黃鸝啄黍秋正肥呼童烹雞酌白酒兒

女歌笑牽人衣高歌取醉欲自慰起舞落日爭光輝遊說萬乘

苦不早著鞭跨馬涉遠道會稽愚婦輕買臣余亦辭家西入

一作方秦仰天大笑出門去我輩豈是蓬蒿人

別山僧

一作涇縣

何處名僧到水西乘舟

一作杯

弄月宿涇溪平明別我上山去手



攜金策踏雲梯。騰身轉覺三天近。舉足迴看萬嶺低。謔浪肯居支遁下。風流還與遠公齊。此度別離何日見。相思一夜暝猿啼。

魯郡堯祠送竇明府薄華還西京

時久病初起作

朝策羣眉驅舉鞭。力不堪強扶。愁疾向何處。角巾微服一作步堯

祠南長楊掃地不見日。石門噴作金沙潭。笑誇故人一作笑指

絕境山光水色青。於藍廟中往來擊鼓。堯本無心爾何苦。門

前長跪雙石人。有女如花日歌舞。銀鞭繡轂往復迴。叢林蹶石

鳴風雷。遠煙空翠時。明滅白鷗歷。亂長飛雪紅泥亭子亦一作朱

欄干碧流環。轉青錦湍深沈。百丈洞海底。那知不有蛟龍盤。以上

均敘堯祠風景以下詠說 君不見綠珠潭水流東海。綠珠紅

宕變化離合不可方物矣

粉沈光彩

一作白首同  
歸髻光彩

綠珠樓下花滿園今日曾無一枝在昨

夜秋聲

闐闐來洞庭木落騷人哀遂將三五少年輩登高送遠

一作

遠望形神開生前一笑輕九鼎魏武何悲銅雀臺我歌白雲倚

窗牖

一作大  
開口

爾聞其聲但揮手長風吹月渡海來遙勸仙人一

杯酒

酒中樂酣宵向分舉觴酌堯堯可聞何不令皋繇一作陶擁

簪橫八極

直上青天揮

一作掃

浮雲高陽小飲真瑣瑣山公酩酊

何如我竹林七子去道賒蘭亭雄筆安足誇

賒遠也謂竹林諸  
子去道甚遠也四

句評貶古人之豪  
飲嘉宴不足尚也

堯祠笑殺五

一作鏡

湖水至今憔悴空荷花爾

向西秦我東越暫向瀛洲訪金闕藍田太白若可期爲余掃灑

石上月

單父東樓秋夜送族弟況之秦

一作時凝弟在席

爾從咸陽來問我何勞苦沐猴而冠不足言身騎土牛滯東魯

況弟欲行凝弟畱孤飛一鴈秦雲秋坐來黃葉落四五北斗已

一作

挂西城樓絲桐感人絃亦已

一作絕滿堂送客皆惜別卷簾

見月清興來疑是山陰夜中雪明日斗酒別惆悵清路塵遙望

長安日不見長安人長安宮闕九天上此地曾經爲近臣一朝

復一朝白髮心不改屈平顛顛滯江潭亭伯流離放遼海折翻

翻飛隨轉蓬

一作翼短天長法不窮

聞弦虛墜下霜空聖朝久棄青雲士

他日誰憐張長公

一作誰肯相思張長公○自長安官闕至末皆太白自傷會爲近臣有流落天涯之感

灞陵行送別

長安

送君灞陵亭。灞水流浩浩。上有無花之古樹。下有傷心之春草。  
我向秦人問路岐。云是王粲南登之古道。古道連綿走西京。紫  
關落日浮雲生。正當今夕斷腸處。驪歌愁絕不忍聽。

送羽林陶將軍

將軍出使擁樓船。江上旌旗拂紫煙。萬里橫戈探虎穴。三杯拔  
劍舞龍泉。莫道詞人無膽氣。臨行將贈繞朝鞭。

送程劉二侍御兼獨孤判官赴安西幕府

安西幕府多才雄。喧喧唯道三數公。繡衣貂裘明積雪。飛書走  
檄如飄風。朝辭明主出紫宮。銀鞍送別金城空。天外飛霜下蔥  
海。火旗雲馬生光彩。胡塞塵清計日歸。漢家草綠遙相待。

同王昌齡送族弟襄歸桂陽

一作同王昌齡崔國輔送李舟歸郴州

爾家何在瀟湘川，青莎白石長江邊。  
昨夢江花照江日，幾枝正發東窗前。  
覺來欲往心悠然，魂隨越鳥飛南天。  
秦雲連山海相接，桂水橫煙不可涉。  
送君此去令人愁，風帆茫茫隔河洲。  
春潭瓊草綠可折，西寄長安明月樓。

送別

尋陽五溪水，沿洄直入巫山裏。  
勝境由來人共傳，君到南中自稱美。  
送君別有八月秋，颯颯蘆花復益愁。  
雲帆望遠不相見，日暮長江空自流。

送族弟綰

一作琯

從軍安西

漢家兵馬乘北風鼓行而一作向

一作

西破大戎爾隨漢將一作爾出

門去剪虜若草收奇功君王按劍望邊色旄頭已落胡天空

匈奴繫頸數應盡明年應一作入蒲桃宮

送祝八之江東賦得浣紗石

一作入

蒲桃宮

西施越溪女明豔光雲海未一作來

一作入

吳王宮殿時浣紗古石一作

古今猶在桃李新開映古一作杏

一作查

菖蒲猶短出平沙昔時紅粉

照流水今日青苔覆落花君去西秦適東越碧山青江幾超忽

一作

若到天涯思故人浣紗石上窺明月

送蕭三十一之魯中兼問稚子伯禽

六月南風吹白沙吳牛喘月氣成霞水國鬱一作歎蒸不可處時

送蕭三十一之魯中兼問稚子伯禽

六月南風吹白沙吳牛喘月氣成霞水國鬱一作歎

一作

蒸不可處時

炎道遠無行車夫子如何涉江路雲帆嫋嫋金陵去高堂倚門  
望伯魚魯中正是趨庭處我家寄在沙邱傍三年不歸空斷腸  
君行既識伯禽子應駕小車騎白羊

白雲歌送友人

楚山秦山多白雲白雲處處長隨君君今還入楚山裏雲亦隨  
君渡湘水水上女蘿衣白雲早臥早行君早起

送舍弟

吾家白額駒遠別臨東道他日相思一夢君應得池塘生春草  
與諸公送陳郎將歸衡陽

並序

仲尼旅人文王明夷苟非其時聖賢低眉況僕之不肖

者而遷逐枯槁固非其宜朝心不開暮髮盡白而登高  
送遠使人增愁陳郎將義風凜然英思逸發來下曹城  
之榻去邀才子之詩動清興於中流泛素波而徑去諸  
公仰望不及連章祖之序慙起予輒冠名賢之首作者  
嗤我乃爲撫掌之資乎

衡山蒼蒼入紫冥下看南極老人星迴颺吹散五峯雪往往飛  
花落洞庭氣清嶽秀有如此郎將一家拖金紫門前食客亂浮  
雲世人皆比孟嘗君江上送行無白壁臨歧惆悵若爲分

宣州謝朓樓餞別校書叔雲

一作陪侍御  
叔華登樓歌

棄我去者昨日之日不可留亂我心者今日之日多煩憂長風



萬里送秋鴈對此可以酬高樓蓬萊文章建安骨中謝小謝又  
清發俱懷逸興壯思飛欲上青天一作雲攬明月抽刀斷水水更  
流舉杯消愁愁更復一作愁人生男一作兒在世不稱意明朝散髮弄  
扁舟一作舉棹  
還滄洲

酬宇文少府見贈桃竹書筒

桃竹書筒綺繡文良工巧妙稱絕羣靈心圓映三江月彩質纒  
成五色雲中藏寶訣峨眉去千里提攜長憶君

早秋單父南樓酬竇公衡

白露見日滅紅顏隨霜凋別君若俯仰春芳辭秋條太山嗟峨  
夏雲在疑是白波漲東海散爲飛雨川上來遙帷卻卷清浮埃

知君獨坐青軒下此時結念同懷者我閉南樓簪道書幽篔簹  
寂若仙居曾無好事來相訪賴爾高文一起予

酬張司馬贈墨

吳中

上黨碧松煙夷陵丹沙末蘭麝凝珍黑精光乃堪掇黃頭奴子  
雙鷗鬢錦囊養之懷袖間今日贈余蘭亭去興來灑筆會稽山

酬中都小吏攜斗酒雙魚於逆旅見贈

齊魯

魯酒若琥珀

一作琥珀色

汶魚紫錦鱗山東豪吏有俊氣手攜

一作持

此物贈遠人意氣相傾兩相顧斗酒雙魚裘情素酒來我飲之  
鱸作別離處雙鯉呀呷鱗鬣張跋刺銀盤欲飛去呼兒拂几霜  
刃揮紅肥花落白雪霏爲君下筯一餐飽

一作罷

醉著金鞭上

一作

走馬歸

答王十二寒夜獨酌有懷

再入吳中

昨夜吳中雪子猷佳興發萬里浮雲卷碧山青天中道流孤月  
孤月蒼浪河漢清北斗錯落長庚明懷余對酒夜霜白玉牀金  
井冰崢嶸人生飄忽百年內且須酣暢萬古情君不能狸膏金  
距學鬪雞坐令鼻息吹虹霓君不能學哥舒橫行青海夜帶刀  
西屠石堡取紫袍吟詩作賦北窗裏萬言不直一杯水世人聞  
此一作皆掉頭有如東風射馬耳魚目亦笑我請一作與明月  
同驪駒拳跼不能食蹇驢得志鳴春風折楊黃花合流俗晉君  
聽琴枉清角巴一作人誰肯和陽春楚地由來賤奇璞黃金散

盡交不成白首爲儒身被輕一談一笑失顏色蒼蠅貝錦喧謗  
聲曾參豈是殺人者讒言三及慈母驚與君論心握君手榮辱  
於余亦何有孔聖猶聞傷鳳麟董龍更是何雞狗一生傲岸苦  
不諧恩疏媒勞志多乖嚴陵高揖漢天子何必長劔拄頤事玉  
階達亦不足貴窮亦不足悲韓信羞將絳灌比禰衡恥逐屠沽  
兒君不見李北海英風豪氣今何在君不見裴尙書土墳三尺  
蒿棘一作居少年早欲五湖去見此彌將鐘鼎疏

醉後答丁十八以詩譏予搥碎黃鶴樓

黃鶴高樓已搥碎黃鶴仙人無所依黃鶴上天訴玉帝卻放黃  
鶴江南歸神明太守再潤飾新圖粉堊還芳菲一州笑我爲狂

客少年往往來相識君平簾下誰家子云是遼東丁令威作詩  
掉我驚逸興白雲遶筆窗前飛待取明朝酒醒罷與君爛漫尋

春暉

答杜秀才五松山見贈

五松山南陵銅坑西五六里○宣城

昔獻長楊賦天開雲雨歡當時待詔承明裏皆道揚雄才可觀  
勅賜飛龍二天馬黃金絡頭白玉鞍浮雲蔽日去不返總爲秋  
風摧紫蘭角巾東出商山道採秀行歌詠芝草路逢園綺笑向  
人而君解來一何好聞道金陵龍虎盤還同謝朓望長安干峯  
夾水向秋浦五松名山當夏寒銅井炎鑪敲九天

秋浦有銅有銀南陵有銅

官治卽梅根治也

赫如鑄鼎荆山前陶公攬爍呵赤電回祿睚盱揚紫

燬此中豈是久留處便欲燒丹從列仙愛聽松風且高臥颺颺  
吹盡炎氛過登巖獨立望九州陽春欲奏誰相和聞君往年遊  
錦城章仇尚書倒屣迎飛牋絡繹奏明主天書降問迴恩榮  
慙不能就珪組至今空揚高蹈名夫子工文絕世奇五松新作  
天下推吾非謝尚邀彥伯異代風流各一時一時相逢樂在今  
袖拂白雲開素琴彈爲三峽流泉首從茲一別武陵去去後桃  
花春水深

攜妓登梁王棲霞山孟氏桃園中

碧草已滿地與柳梅爭春謝公自有東山妓金屏笑坐如花人  
今日非昨日明日還復來白髮對綠酒強歌心已摧君不見梁

王池上月昔照梁王樽酒中梁王已去明月在黃鸝愁醉啼春  
風分明感激眼前事莫惜醉臥桃園東

把酒問月

故人賈滄  
命余問之

青天有月來幾時我今停杯一問之人攀明月不可得月行卻  
與人相隨皎如飛鏡臨丹闕綠煙滅盡清暉發但見宵從海上  
來甯知曉向雲間沒白兔擣藥秋復春姮娥孤棲與誰鄰今人  
不見古時月今月曾經照古人古人今人若流水共看明月皆  
如此唯願當歌對酒時月光長照金罇裏

下途歸石門

舊居

吳中

吳山高越水清握手無言傷別情將欲辭君挂帆去離魂不散

煙郊樹此心鬱悵誰能論有愧叨承國士恩雲物共傾三月酒  
歲時同餞五侯門羨君素書常滿椀含丹照白霞色爛余嘗學  
道窮冥筮夢中往往遊仙山何當脫屣謝時去壺中別有日月  
天俛仰人閒易凋朽鑪峯五雲在軒牖惜別愁窺玉女窗歸來  
笑把洪崖手隱居寺隱居山陶公鍊液棲其閒靈神閉氣昔登  
攀恬然但覺心緒閑數人不知幾甲子昨來猶帶冰霜顏我離  
雖則歲物改如今了然識所在別君莫道不盡懽懸知樂客遙  
相待石門流水徧桃花我亦曾到秦人家不知何處得雞豕就  
中仍見繁桑麻脩然遠與世事閒裝鸞駕鶴又服遠何必長從  
七貴遊勞生徒聚萬金產挹君去長相思雲遊雨散從此辭欲



知悵別心易苦向暮春風楊柳絲

夜泊黃山聞殷十四吳吟

昨夜誰爲吳會吟風生萬壑振空林龍驚不敢水中臥猿嘯時  
聞巖下音我宿黃山碧溪月聽之卻罷松間琴朝來果是滄洲  
逸酌酒提盤飯霜栗半酣更發江海聲客愁頓向杯中失

觀博平王志安少府山水粉圖

粉壁爲空天丹青狀江海游雲不知歸口見白鷗在博平真人  
王志安沈吟至此願挂冠松溪石磴帶秋色愁客思歸生曉寒  
觀元丹邱坐巫山屏風

昔遊三峽見巫山見畫巫山宛相似疑是天邊十二峯飛入君

家綵屏裏寒松蕭颯如有聲陽臺微茫如有情錦衾瑤席何寂  
寂楚王神女徒盈盈高咫尺如千里翠屏丹崖粲如綺蒼蒼遠  
樹圍荆門歷歷行舟汎巴水水石潺湲萬壑分煙光草色俱氤  
氛溪花笑日何年發江客聽猿幾歲聞使人對此心緬邈疑入  
高邱夢綵雲

暖酒

熱暖將來賓鐵文暫時不動聚白雲撥卻白雲見青天撥頭裏  
許便乘仙

對酒

蒲萄酒金叵羅吳姬十五細馬馱青黛畫眉紅錦靴道字不正

嬌唱歌玳瑁筵中懷裏醉芙蓉帳底柰君何

怨情

新人如花雖可寵故人似玉由來重  
花性飄揚不自持玉心皎潔終不移  
故人昔新今尙故還見新人有故時  
請看陳后黃金屋寂寂珠簾生網絲

思邊

一作春怨

去年何時君別妾南園綠草飛蝴蝶  
今歲何時妾憶君西山白雪暗秦雲  
玉關去此三千里欲寄音書那可聞

代美人愁鏡

美人贈此龍盤之寶鏡燭我金縷之羅衣  
時將紅裏拂明月爲

惜普照之餘輝。影中金鵲飛不滅。臺下青鸞思獨絕。藻砧一別  
若箭弦。去有日來無年。狂風吹卻妾心斷。玉筍併墮。菱花前。

示金陵子

一作金陵子詞

金陵城東誰家子。一作金陵子竊聽琴聲碧。一作夜窗裏落花一片天。  
上來隨人直渡西江。水楚歌吳語。嬌不成。似能未能。最有情謝  
公正。要東山妓攜手林泉處處行。

十八家詩鈔卷十

善化黃維申襄校